

嘉慶合肥縣志

合肥縣志卷第二十

賜進士出身廬州府合肥縣知縣左輔纂修

名宦傳

三國吳

顧雍字元歎吳人州郡表薦弱冠為合肥長後官至

丞相封醴陵侯 三國志

隋

樊子蓋字華宗廬江人解褐為武興王行參軍出為

慎縣令 隋書

宋

合肥縣志卷二十 傳 一

孫覺字莘老高郵人神宗時為合肥主簿歲旱州課

民捕蝗輸之官覺言民方艱食難督以威若以米易

之必盡力是為除害而享利也守悅推其說下之他

縣後知廬州 宋史

江潤身字崇德婺源人咸淳初進士授梁縣尉兼合

肥主簿事廉明剛決獄多平反 府志

唐錡淳熙中為合肥主簿撰合肥志四卷 文獻通考 府志舊志

皆遺

明

胡璘山東進士天順中知合肥公勤仁恕士民戴之

擢監察御史祀名宦 府志

楊鍊河南進士成化中知合肥明敏剛斷案無滯牘

擢監察御史祀名宦 府志

孫聰字克明北直進士正德間知合肥時劉七之亂

甫平招撫流移悉心安輯民懷其惠 江南通志

于鳳字宣詔江西舉人正德間署合肥教諭事天性

孝友一介不取諸生有一不善唯恐知之事載遺德

碑祀名宦 府志

潘恕字行甫廣東進士嘉靖間知合肥外去邊幅中

存封畛胥徒里甲一見輒識之不忘置學田數百畝

合肥縣志卷二十一 傳 一一

歲入租以給貧士 江南通志

陳其樂江西進士嘉靖中知合肥清約孤介雖居官

家人不廢紡績其同邑夏言當路未嘗一通書問識

者益服其高厯官布政司右參政 江南通志

余嘉詔廣東進士嘉靖間知合肥適境內頻年災傷

里甲凋瘵遂刻意節省定爲規則鐫之堅珉後爲監

察御史 府志

劉公泰湖廣貢士嘉靖間爲合肥丞性剛毅清約佐

縣有治理距城東三十里爲店埠鎮捐俸修置垣樓

迄今頌遺愛云 府志

萬鍾祿江西進士隆慶間知合肥廉明端慤吏民不忍欺去之日闔邑號泣遮留

府志

胡時化字龍匯餘姚進士隆慶五年知合肥先是合肥田但插標爲記弓口無實數稅畝者亦影響立法以三等九則征之名色繁多一切供億俱取足甲戶時化履任適奉行一條鞭法乃置官弓親詣五鄉丈算每弓口一石派差糧若干每丁俱以五分爲限是外絕無科斂名色官私告便里甲適均後陸懋龍繼其事而成之刻有名世文宗爲多士舉業軌範

府志

陸懋龍字啓原鄞縣進士萬厯間知合肥前官胡時

合肥縣志卷二十

傳

三

化行一條鞭吏胥侵蝕欲撓其成懋龍下車先申令之法大行吏弗敢欺祀名宦

府志

涂喬遷字聲宇南昌進士知合肥萬厯己丑庚寅二歲饑捐賑有姦胥乾沒者訪戍之自是流民存活甚眾肥當衝劇夫馬重爲民困每僉報一人輒咨嗟良久旣擢御史猶深爲慮每向要津言之厯升左通政南太僕卿凡三過廬肥之人如重瞻慈母云

府志

胡震亨字孝轅海鹽舉人萬厯中知合肥英察若神民有扞網者輒指數姓名蠹吏毫毛不敢有所犯邑有世家裔犯偷乃資以金錢令自新其人媿感卒改

行 江南通志

劉徽直隸清苑進士知合肥恤士愛民興利除害萬
厯間賊薄西門礮不發嚙指血祭之賊潰全活無數
後擢監察御史里人感其德建祠肖像祀之

熊文舉字公遠江西新建進士崇禎中知合肥好士
愛民以廉平著乙亥流賊薄城分守西偏築威遠亭
於其上指畫有方 江南通志

侯佐字東俾山西蒲州進士崇禎中知合肥剛正明
決不畏權要立匾於堂曰不怕死不愛錢人咸敬畏
之值歲旱開倉賑卹民賴以生時有亂民結黨搶劫

合肥縣志卷二十 傳 四

佐單騎直入擒獲十餘人置之死羣兇皆遁去報績
擢吏部主事 府志

國朝

張鵬翔字鵬舉陝西進士順治中知合肥爲政平和
嚴不過刻寬不過縱時皆以循吏稱之 江南通志

呂鳴燕北直舉人知合肥縣仁恕清約未及一載卒
貧不能斂士民貲助歸葬 府志

岳呈祥北直人順治間知合肥縣政簡刑清民稱慈
母卒貧不能歸葬瘞小東關外淺土 舊志

張九鼎北直人康熙二年知合肥英明敏決案無滯

牘升蒲州知州 舊志

方象璜字雪岷浙江進士康熙初知合肥縣爲政持大體不事煩苛廉明端正吏胥不敢欺任二載以艱去邑人思慕之 舊志

王文煥鑲白旗人知合肥沈毅有膽畧時有不逞將煽患公偵緝逮治之闔邑晏安保全甚眾咸謂其臨大事不動聲色焉 以下新增

王作梅字嚴公河南河內人康熙己丑進士知合肥縣深察民隱搜剔姦弊威惠藹肅嘗曰文字之壞壞于雅俗共賞一言吏治之壞壞于名實雙收一言人

合肥縣志卷二十 傳 五

以爲名論舉治行第一行取授文選司主事

